



Synfocity = 599

mail us at : mzsynfo@gmail.com; mizoramynod@gmail.com - Phone - 2314648

18th August, 2016

❑ Synod Service Board Coordinator thar

Kum 2015 Synod Inkhawmpui chuan Synod Service Board chu Committee puitlingah a hlan kai tak avangin Synod Service Board Coordinator thar atan Pi Lalfakmawii (Coordinator Kohhran Hmeichhia) chu a ruat thar a, August 16, 2016 (Thawhlehi) atang khan a hna a zawm a ni. Pi Lalfakmawii sawn a nih tak avangin Pi H. Lalpianthangi, Asst. Coordinator, Kohhran Hmeichhia chuan thu leh awm hma chuan Coordinator i/c Kohhran Hmeichhia Charge a la rih ang.

❑ Councelling Training khar

Mizoram Synod, Family Guidance & Counselling Centre-in August 3, 2016 atanga Kohhran Hruaitute puala Pastoral Care & Counselling Training wawi 25-na, Synod Conference Centre-a a buatsaih chu August 16 (Thawhle) zan khan khar a ni. He Training-ah hian Thingtlang lam Pastor Bial 8 atangin mi 25 an tel a, Synod Moderator Rev. H. Lalrinmawia'n Training kharna hun hi a hmanpui a ni.

Training kharna inkhawm hi Rev. PC Pachhunga, Executive Secretary i/c FG&CC in a kaihrui a, Rev. R. Lalhmingthanga, Director, FG&CC chuan inlawmna hun hmangin FG&CC rawngbawlina report tlangpui a pe. Training te aiawhin Upa Lalnithanga'n thu a sawi a, Mizoram Synod Choir-te zaiin, Rev. Lalneihvura, Principal, PBS chuan tawngtaisakna hun a hmang.

He hun hmanpuitu Synod Moderator, Rev. H. Lalrinmawia chuan training te hnenah Certificate hlanin thuchah a sawi a. Moderator chuan, "Mizote hi a huhova inkawm nasa hnam kan nih avangin Counselling hna hi kan thawk reng a, chuvangin hetiang lama thiamna nei tura kan inzirchhuah zel hi a pawimawh a ni" tiin training chhuak tate chu tawngka mai ni lova, nungchang leh chetzia thlenga midangte entawntlaka nung tur leh mi dang tana malsawmna ni turin a fuih.

FG&CC Director report-a a lan danin, Pastoral Care & Counselling Training hi kum tin Pastor pual wawi khat leh Kohhran hruaitute pual tum hnih an buatsaih thin a. Pastor puala wawi 25 buatsaih tawhah Pastor 424 training pek an ni tawh a. Church Leader-te puala kum 2002 atanga wawi 25 neih tawhah mi 502 Training pek an ni tawh baw. FG&CC hian tunah hian Centre paruk - Mission Veng, Chanmari, Vaivakawn, Champhai, Serchhip leh Kolasib-ah te an nei tawh a, pantu (client) mi 17,303 an nei tawh a ni.

❑ Praise On Audition Round thawh 2-na neih a ni

Praise On Audition Round thawh 2-na chu August 16, 2016 khan Kolasib Zone, Serchhip Zone leh Mamit Zone-ah neih a ni.

Kolasib Zone hian Diakkawn Kohhran Hall-ah zing dar 10 khan tanin Bialtu Pastor, Rev. R. Lalremruata'n tawngtaina hun a hmang a, intihsiakna tan nghal a ni. Rothangmawia, Vairengte chu a zai hmasa ber a, fakna hlasatu zinga naupang ber chu Lalnunhlimi d/o Lalzawmliana (DoB April 26, 2001) a ni. Kolasib Zone-a endiktu (judge) te chu hengte hi an ni:

- 1) Upa H. Lalhualpiana, Kolasib Diakkawn
- 2) C. Vanlalhruaia, Kolasib Venglai
- 3) Tv. Chris MS Dawngkima, Aizawl Ramhlun North

Organising Committee lam atangin Upa C. Lalremsiama, Aizawl Venglai leh Pu David Lalvensanga, Khatla te an kal baw.

Serchhip Zone-in Serchhip Kawnpui Senior Department Hall-ah zing dar 10 khan tanin Bialtu Pastor, Rev. H. Lallianzara'n hlanna hun a hmang a, fakna hunin a zui nghal a. Lalchhuanawma, Chhiahtlang Kawng Veng a zai hmasa ber a, fak hla satu zingah hian C. Lalhruaisangi, Serchhip Dinthar Branch, kum 17 a naupang ber. Serchhipa endiktu (judge) te chu hengte hi an ni:

- 1) Upa H. Lalmuanpuia, New Serchhip
- 2) Pu Robert Zohmingthanga, Serchhip Kawnpui
- 3) Pu David Lalnunzira, Aizawl Armed Veng

Organising Committee lam atangin Pu P.B. Lalbiakzuala, Armed Veng, Aizawl leh Tv. Peter Lalanpuia, Muanna Veng, Aizawl te an kal baw.

Mamit Zone hian Mamit Kohhran Sunday School Hall 'Fakzai Studio'-ah chawhma dar 11 khan tanin Synfo Committee Member Rev. Rualthankhuma, Khatla Bialtu Pastor chuan Inhmelhrattirna leh Praise On chungchang a sawi a. Mamit Bialtu Pastor V. Lalkima'n tawngtaina hun a hmang a, fakna hunin a zui nghal. Benjamin Lalremruata, Mamit a zai hmasa ber thung a, hemi zone-a naupang ber chu Lalramdinpuia, Dampui (DoB December 23, 2001) a ni. Mamit Zone endiktu (judge) te chu -

- 1) Upa K. Lalrinmawia, Lungsir
- 2) Tv. C. Lalchhanhima, Mamit
- 3) Ni. Vanlalhruii, Aizawl Republic Vengthlang

Organising Committee lam atangin Rev. Rualthankhuma, i/c Khatla Pastor Bial leh Pu R. Lalnunluanga, Mission Vengthlang, Coordinator, Synfo te an kal baw.

Praise On thawh 1-na hi kar hmasa August 12, 2016 (Zirtawpni) khan tluang takin Champhai Zone leh Lunglei Zone-ah te neih a ni tawh a, Pathian hruainain tlin takin Champhai Vengthlang Branch KTP leh Lunglei Chanmari Branch KTP ten an lo thleng tawh a ni. PRAISE ON Audition Round thawh 3-na Aizawl Zone hi KTP Branch lian ber pahnih Mission Veng Branch KTP leh Chanmari Branch KTP te'n an thleng ve leh dawn a, Mission Veng-ah hian August 19&20, 2016-ah neih a ni ang a, Chanmari-ah hian August 22, 23&24, 2016-ah te neih a ni ve leh thung ang. Aizawl Zone-a zai tur hi an thathnem deuh avangin zai dan tur pawh Vanglaini Chanchinbuah August 16, 2016 (Thawhlehi) chhuakah tarlan a ni.

'Praise On' show hi Pathian faka zaia rawngbawlina kawnga hmasawmna atan leh kohhran programme hrang hranga thinlung taka Pathian faka zai thei an lo pun zel thei nan Mizoram chhunga KTP Branch tin te Solo intihsiakna atana buatsaih a ni a, tel tur mi 750 velin hming an thelhut a ni.

'Praise On' hi Synod Information & Publicity Department (Synfo) leh Inkspot Digiprint Solutions (Main Sponsor) leh Co-Sponsor : Hlunbuang Store, MD&D Enterprise, Trade Centre leh CL Paper te tangkawpin an buatsaih a ni a. Lawmman atan pakhatna - Rs. 80,000/-, pahnihna - Rs. 40,000/-, pathumna - Rs. 20,000/- leh Top 10 tling chin tan Consolation Prize - Rs. 5,000/- theuh pek an ni ang. Music Home, Chanmari ten pakhatna atanga pathumna te hi Keyboard an pe ang a, an Branch tan microphone an pe dawn baw. Top 3 te hi Synfo lamin a free in Music Video an siam sak baw ang. Heng bakah hian Special Award siam tum a ni baw.

Contd..

☐ **Worship Dept.**

August 17 & 18, 2016 chung khan Chhingchhip ah Lengkhawmzai Seminar neih a ni a, hemi hunah hian Upa F. Lalremthanga, Coordinator, Worship Dept, Pu Lalromawia, Senior Instructor, Upa Laldingliana Sailo leh Upa Zothanmawia, Comt. Member te an kal.

☐ **Zin**

- ◆ August 8 - 21, 2016 chung hian Jharkhand, Patna, Lucknow leh Delhi-ah Field Committee nei turin Rev. K. Lalrinmawia, Secretary, SMB, Rev. Lalchuanmawia leh Upa Denghmingthanga, BEC member te an kal.
- ◆ August 17 - 26, 2016 chung hian Siliguri, Nepal & Kolkata, Odhisa Field-ah te Field Committee nei turin Rev. B. Sangthanga, Executive Secretary, Upa H. Ronghaka, Synod Secretary leh Rev. Lalremruata Ralte te an kal.
- ◆ August 19, 2016 (Zirtawpni) hian West Lungdar Kohhran tlawh turin Rev. Lalramliana Pachuau, Senior Executive Secretary a kal ang.

☐ **Revival Dept**

August 9 - 14, 2016 chung khan Synod Camping Centre, Neihbawih-ah Camping neih a ni a, Speaker Pu R. Lalbiaksanga, Krista Thupuangtu team a ni a. Camp lut zat, mipa 183 leh hmeichhia 23, an vaiin mi 206 an ni a, damlohna leh harsatna dang avanga awm tluan theilo tlem a zawng an awm a ni. Security leh ei rawngbawl hi Bawngkawn Chhim Veng Pavalai Pawl ten an buaipui a ni.

☐ **Campus Ministry**

August 15, 2015 (Thawhtanni) zan khan Saron Veng Branch KTP inkhawmah Zu leh Ruihhlo Awareness neiin hun an hmang ang a, August 16, 2016 (Thawhlehi) khan Apollo School of Nursing, Luangmual Complex ah hun an hmang bawk.

☐ **MTC**

- ◆ August 15, 2016 (Thawhtanni) zing dar 7 khan Independence Day pualin hun an hmang a, hemi hunah hian Rev. H. Lalrinmawia, Synod Moderator chu Chief Guest a ni.
- ◆ August 19 - 23, 2016 chung hian Senate of Serampore College Commission Team ten MTC Affiliation chungchangah MTC an rawn tlawh dawn a, Pathianni (Aug. 21) hian Kohhran hrang hrangah an Inkhawm ang. Commission Team member te chu Rev. Dr. Santanu K. Patro, Senate Registrar leh Dr. K. David Udayakumar, Principal, Gurukul Theological College te an ni.

☐ **MSSU**

August 20, 2016 (Inrinni) hian Aizawl Venglai Kohhranah Sunday School Zirtirtu training neih a ni dawn a, hemi hunah hian Upa Lalthahluna Ralte, MSSU Asst. Coordinator, Pu John Lalhrualtuanga, MSSU Asst. Coordinator, Upa Hrilthansanga, Mission Vengthlang leh Upa B. Lalhmunliana, Bethlehem Venglai, MSSU Trainer te an kal ang.

☐ **Synod-in chhawmdawlna pe**

Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.

S.No	Khua	Pek chhan	Chhungkaw zat	Chhawmdawlna pek zat
1.	Chite Veng	Lung tha lo	1	Rs. 5,000/-
2.	Chite Veng	Accident	1	Rs. 5,000/-
3.	Mamit Hmunsam	In chim	1	Rs. 6,000/-
4.	Lunglei	Kal leh zun kawnga lungte awm	1	Rs. 8,000/-
TOTAL				Rs. 24,000/-

☐ **Hruaina Eng FM Radio & TV Programme**

◆ **AUGUST 18, 2016 (FM ZOAWI AIZAWL @ 7:30 P.M.):**

Duet : Grace & Sarah - Khawngaihna mak mawi leh duhawm, **Zaipawl** : Mizo Cardinal Choir - Lawmthu kan hrilh che, **Thusawi** : Rev. K Lalpiangthara - Lungawina kim, **Solo** : Thelma - Isu i hnena awm ka duh, **Zaipawl** : Dawrpui Kohhran Zaipawl - Ngairawh, **Solo** : Stacy V.L Muanpuii - Hnehna hla mawi

◆ **AUGUST 18, 2016 (FM LUNGLEI @ 7:30 P.M.):**

Duet : Grace & Sarah - Khawngaihna mak mawi leh duhawm, **Zaipawl** : Mizo Cardinal Choir - Lawmthu kan hrilh che, **Thusawi** : Rev. K Lalpiangthara - Lungawina kim, **Solo** : Thelma - Isu i hnena awm ka duh, **Zaipawl** : Dawrpui Kohhran Zaipawl - Ngairawh, **Solo** : Stacy V.L Muanpuii - Hnehna hla mawi

◆ **AUGUST 21, 2016 (Tv Programme) @ 3:00 p.m) :**

Sermon : Rev C Rosiama - Kristian Chhungkua, **Weekly Round Up**, **FG&CC** : 25th Intensive Residential Pastoral Care & Counselling

☐ **Susamachar Prasaran Programme**

◆ **AUGUST 21, 2016 (Pathianni) 5:00 pm.**

Group/Choir/Solo : Central PYF Choir - Krus Par, **Group/Choir/Solo** : Kristian Centre Zaipawl - Hawale, **Sermon** : Rev. David Lalramliana Ralte - Hum Parmwshwar ke santaan, **Group/Choir/Solo** : Soni Lalnunsangi - Ashantima, **Group/Choir/Solo** : LH Hindi School - Yeshu MASIH

☐ **Moderator Programme**

Synod Moderator Rev. H. Lalrinmawia chuan tunkar tawpah hetiang hian hun a hmang ang :

- ◆ August 20, 2016 (Inrinni) Zan Lungzarhtum Kohhran Saiha Bial
- ◆ August 21, 2016 (Pathianni) Chawhma Meisatla Kohhran Saiha Bial
- ◆ August 21, 2016 (Pathianni) Chawhnu Saiha Tlangkawn Kohhran Saiha Bial
- ◆ August 21, 2016 (Pathianni) Zan Saiha Saiha Bial

PRAISE ON Audition Round
(Lunglei, Champhai, Mamit, Kolasib, Serchhip) zone-a
ting te :

Lunglei Zone (8) :	1. Vanlalhafamkima 3. R Lalawmpuii 5. Malsawmdawngzela 7. Henry Hmingthansanga Sailo	2. Lalremsangi Hnamte 4. Malsawmtluangi 6. Lalpekhlua 8. Lalruatfeli
Mamit Zone (9) :	1. Benjamin Lalremruata 3. J Lalchhuantlinga 5. Lalramdintluanga 7. Zoremsiami Khenglawt 9. Lalawmpuii Hahnar	2. Gordon Zoramthlamuana 4. J Lalngaihzuali 6. Melody Zoramengmawii 8. Francis Lalparliana
Kolasib Zone (25) :	1. Rothangmawia 3. K. Lalrintluangi 5. Norris VL Thathangi 7. PL Lalrohlua 9. Zonunsangi 11. Lalbiaknia 13. Zaihruaitluangi 15. Lalengkimi 17. C. Lalrinsanga 19. Loicy Lalremsiami 21. Lalthlamuani, 23. Grace V.L. Hlimpuii 25. Angela Tlanfamkimi	2. Lalhmingmawii 4. RK Lalnunzira 6. Thelma MS Tluangi 8. Vanlalremruatpuii 10. Ruth Malsawmtluangi 12. Noel Lalmunsiami 14. HT. Zoramawia 16. Noel Vanlalruatpuii 18. C. Zosangliani 20. Lalbiakzami, Linda 22. Joseph Lalnunfela 24. R. Lalrinchhana
Serchhip Zone (26) :	1. B. Lalchhuanawma 3. C. Lalramdinpuii 5. C.Lalremsanga 7. Jessica Zodinpuii 9. Lalbiakhlua 11. Lalduhsangi 13. Lalhmingangi Ralte 15. Liandingpuii 17. R. Lalhunghaka 19. Ramdinliana 21. Rebek Vanlalhmuchhuaki 23. Vanlalhmangaihi 25. Vanlalruati	2. C. Laldinpuii 4. C. Vanlaldingpuii 6. J.Lalremmawia 8. Judy Zairempuii 10. Lalbiakkima Hnamte 12. Lalhlimpuii Hahnar 14. Lalremsiama 16. PC Latflanchhunga 18. R. Lalsiampuii 20. Ramthianghlimi 22. Thaliankimi 24. Vanlalhriatrenga 26. Zothanzuala.
Champhai Zone (26):	1. Rebecca Lalrinsangi 3. R.Lalparlawma 5. Samuel Vanlalpeka 7. Vanlalhmua 9. PC Malsawmtluanga 11. Ramdinthari 13. R. Lalmuanzuala 15. Lalthanmawia 17. Kapengzauva 19. Ramengmawii Fanai 21. VL Thatluangi 23. TC Lalnunhlimi 25. Brenda Ningngaihzo	2. Lalngilneii 4. R.Lalremruati 6. H Vanlalhmua 8. Lalbiakdiki 10. R. Lalhruaitluanga 12. Lalruatmawii 14. Lalchhandami 16. Vanlalnunhlua 18. Laldinpuia 20. Vanthangpuia 22. Chanchinmawii 24. Zothanzuali 26. Laldinpuii Ralte.

PRAISE ON Audition Round thawh 3-na Aizawl Zone hi KTP Branch pahnih Mission Veng Branch KTP leh Chanmari Branch KTP te'n an thleng ve leh dawn a, Mission Veng-ah hian August 19 & 20, 2016-ah neih a ni ang a, Chanmari-ah hian August 22, 23&24, 2016-ah te neih a ni ve leh baw ang.